



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**De Statv Religionis Christianae, Per Evropam, Asiam,  
Africanam, Et Orbem Nouum, Libri IV.**

**Le Mire, Aubert**

**Coloniae Agrippinae, 1619**

Cap. XLIX. De Prußia.

**urn:nbn:de:hbz:466:1-11108**

## CAPVT XLIX.

## DE PRVSSIA.

**P**RVSSIA siue Borussia, vltima Germaniæ regio, ad mare Balticum, anno 1215. à Crucigeris Equitibus Teutonicis est subacta. Anno 1419. cùm nonnullæ provinciæ & ciuitates Borussix ad Casimirum Poloniæ Regem defecissent, grauissima bella inter Crucigeros & Polonos sunt exorta. Demùm anno 1525. Albertus Brandenburgicus, Lutherana hæresi infectus, ex magistro Crucigerorum, Dux Prussix à Sigismundo Poloniæ Rege creatus est, & Prussia ipsa diuisa est in Regalem & Ducalem. In Prussia Regali duo sunt Episcopi, *Varmiensis*, qui Brunsbergæ domicilium habet, & *Culmensis*. In Prussia Ducali duo itidem solent esse Episcopatus, *Sæbiensis*, cuius sedes erat Regius Mons & *Pomesaniensis*, cuius sedes erat Mariæ-VVerda: sed vtrumque dictus Albertus extinxit. Ducatum Prussix, Polonorum Regi beneficiario iure obstrictum, hodie obtinet Marchio & Elector Brandenburgensis. Sunt in Prussia plerique incolæ Lutherani: habent tamen publicum ac liberum suæ Religionis exercitium Catholici, in Monte Re-

Regio: idque beneficio Sigismundi Poloniae Regis moderni.

## CAPVT L.

## DE ANGLIA.

**B**RITANNIS Euangelium annunciatum S. Petrum Apostolorum principem tradit Simon Metaphrastes. Sunt qui putant in illa, quam Claudius Cæsar contra istam gentem expeditionem habuit, comitem se Apostolum addidisse, cum anni superioris initio ex Syria in Italiam appulisset, cathedræque culmen Roma fixisset. Ut ut sit, illud ex Beda & alijs constat, Lucium Britannia Regem, tempore Eleutherij Papæ, Antonino & Lucio Vero imperantibus, Christo nomen dedisse.

Qua de causa Henricus VIII. Angliæ Rex à communionem Ecclesiæ Romanæ defecerit, egregiè docet Nic. Sanderus lib. de Schismate Anglicano.

Ceterum in Anglia duæ sunt Metropoles, *Cantuariensis* & *Eboracensis*, quibus quæ sint suffraganeæ Ecclesiæ, breuiter aperiam.